



٤ - شهر صيام = ثواب سنة صيام :

« قال رسول ﷺ : (صيام شهر رمضان بعشرة أشهر ، و صيام ستة أيام بعده بشهرين ، فذلك صيام السنة) صححه الألباني
٣٠ (رمضان) + ٦ (من شوال) = ٣٦٠ !!

٥ - شهر تكفير الذنوب والخطايا :

« قال رسول ﷺ : (الصلوات الخمس ، و الجمعة إلى الجمعة و رمضان إلى رمضان ، مكفّرات لما بينهنّ إذا اجتنبت الكبائر) رواه مسلم

٦ - شهر الصلّة بين السماء والأرض :

أنزل الله في رمضان كلامه وكتبه وخطب فيه خلقه..
« قال رسول ﷺ : (أنزلت صحف إبراهيم أول ليلة من شهر رمضان ، و أنزلت التوراة لست مضت من رمضان ، و أنزل الإنجيل بثلاث عشرة مضت من رمضان ، و أنزل الزبور لثمان عشرة خلت من رمضان ، و أنزل القرآن لأربع وعشرين خلت من رمضان) حسنه الألباني



٣ - تُفتح فيه أبواب الجنة و تُغلق فيه أبواب الجحيم :

« قال رسول ﷺ : (إذا دخل شهر رمضان فَتُحْت أبواب الجنة و غُلت أبواب جهنم) متفق عليه
أبواب النار كلها مقفولة .. اللهم لك الحمد ..
و أبواب الجنة كلها مفتوحة قدامك ..

يا نرى هنلحق كام باب فيها ..؟؟

♥ ولو لاحظنا الأحاديث دي .. هنلاقي ورد فيها ٣ روايات .. كل واحدة بلفظ مختلف ..

① أول رواية : " **تفتح فيه أبواب السماء** " ← إشارة إلى إستجابة الدعاء ..

② وتاني رواية : " **تفتح فيه أبواب الجنة** " ← إشارة إلى الخير والبركة والحث على التنافس والمسارة في الطاعة ..

③ والرؤية الثالثة : " **تفتح فيه أبواب الرحمة** " ← إشارة لكثرة الرحمة والعفو والمغفرة ..



« تخيل نفسك إنك عبد عند فلان من الناس .. لو أعتقك ، يبقى إنت بقيت حر خلاص .. والإنسان ده مبقاش له ولاية عليك ..

« وكذلك النار .. قال تعالى :

(**مَأْوَنِكُمُ النَّارُ هِيَ مَوْلَانِكُمْ وَيُنْسِ الْمَصِيرُ**) الحديد: ١٥

يعني العتق هو الخروج من هذه الولاية .. يعني النار متكونش هي مولاك ..

« وفي آيات أخرى يقول تعالى :

(**أُولَئِكَ أَصْحَابُ النَّارِ هُمْ فِيهَا خَالِدُونَ**) البقرة: ٣٩

فالعتق: هو التخلي عن هذا الملك ، ملكية النار للإنسان
« ربنا بيقول : (**فَمَنْ رُحِزَ عَنِ النَّارِ وَأَدْخِلَ**

الْجَنَّةَ فَقَدْ فَازَ) آل عمران: ١٨٥

العتق من النار يعني خلاص .. مفيش عذاب !

« يا نرى يا شباب هنعمل إيه في الشهر ده

علشان نكون من عتقاء الله من النار ..؟؟؟



« وقال تعالى : (**شَهْرُ رَمَضَانَ الَّذِي أُنزِلَ فِيهِ الْقُرْآنُ**

هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ) البقرة: ١٨٥

♦ والشهر اللي أنزل فيه القرآن لابد أن له مكانة عظيمة بين الشهور .. قرب العزة لا يختار الأوقات بدون حكمة أو معنى .. تعالى سبحانه عن ذلك علواً كبيراً ..

٧ - كل يوم وليلة في رمضان فرصة للعتق من النار :

« قال رسول ﷺ : (إذا كان أول ليلة من شهر رمضان صُفدت الشياطين ومردة الجن ، وغلقت أبواب النار فلم يفتح منها باب ، وفتحت أبواب الجنة فلم يُغلق منها باب ، وينادي مناد كل ليلة : يا باغي الخير أقبل ، ويا باغي الشر أقصر ، ولله عتقاء من النار ، وذلك كل ليلة) صححه الألباني

« وقال ﷺ : (إن لله تبارك وتعالى عتقاء في كل يوم وليلة - يعني في رمضان - وإن لكل مسلم في كل يوم وليلة دعوة مستجابة) صححه الألباني

إنت عارف يعني إيه العتق من النار؟؟؟



« قال رسول ﷺ : (إن هذا الشهر قد حضركم ، وفيه ليلة خير من ألف شهر ، من حُرِمها فقد حُرِم الخير كله ! ولا يُحرم خيرها إلا محروم) صححه الألباني

عشآن كده لازم تجتهد في العشر الأواخر من الشهر عشآن تدرکہا بإذن الله ، ومتكونش من المحرومين من الخير والثواب العظيم ده ..

١٠ - شهر لك فيه كل يوم دعوة مستجابة :

« قال رسول ﷺ : (إن لله تبارك وتعالى عتقاء في كل يوم وليلة - يعني في رمضان - وإن لكل مسلم في كل يوم وليلة دعوة مستجابة) صححه الألباني

وقال ﷺ : (ثلاث دعوات مستجابات ؛ دعوة الصائم ، ودعوة المظلوم ، ودعوة المسافر) صححه الألباني

قول يارب .. في موسم الطاعة والبركات دي كلها قول يارب .. أطلب ما تشاء .. أكيد كلنا عندنا مشاكل وهموم وطلبات .. ارفع ايديك وقول يارب وانت كلك يقين إن دعائك مستجاب ..

♥ قول يارب اغفر لي ما مضى .. وتقبل مني ما هو كائن .. وثبتني في ما هو قادم .. برحمتك يارب ..



٨ - [٣] فرص في شهر واحد لمغفرة ما تقدم من ذنبك

« قال رسول ﷺ : (من صام رمضان إيماناً وإحتساباً ، غُفر له ما تقدم من ذنبه) متفق عليه

وقال ﷺ : (من قام شهر رمضان ، إيماناً وإحتساباً ، غُفر له ما تقدم من ذنبه) متفق عليه

وقال ﷺ : (ومن قام ليلة القدر إيماناً وإحتساباً ، غُفر له ما تقدم من ذنبه) متفق عليه

➡ ٣ فرص قدامك عشآن تتغفر ليك ذنوبك والبلاوي السودا اللي إرتكبتها طول السنة ..

➡ ٣ فرص عشآن تتطهر من ماضيك وتبدأ صفحة جديدة " على بياض " ..

« حد عاقل يفوت الفرص العظيمة دي ..؟؟

٩ - شهر فيه ليلة القدر :

« ليلة عبادتها خير من عبادة ألف شهر ..

قال تعالى : (لَيْلَةُ الْقَدْرِ حَرِيرٌ مِّنْ أَلْفِ شَهْرٍ) القر:٣

عبادة في ليلة واحدة ثوابها أفضل من عبادة ٨٣ سنة! ده إيه الثواب الرهيب ده!! يا رحمتك وكرمك يارب !



٥ الصيام يدخلك الجنة :

« قال ﷺ : (من حُتِم له بصيام يوم دخل الجنة)

٦ الفوز بالدخول من باب الريان في الجنة :

« قال رسول ﷺ : (في الجنة ثمانية أبواب منها باب يسمى الريان لا يدخله إلا الصائمون) متفق عليه

٧ الصيام يجعلك من الصديقين والشهداء :

« جاء رجل إلى النبي ﷺ فقال يا رسول الله : (أرأيت إن شهدت أن لا إله إلا الله وأنك رسول الله وصليت الصلاة الخمس وأديت الزكاة وصمت رمضان وقمته ؛ فممن أنا ؟؟؟ قال النبي ﷺ : من الصديقين والشهداء) صححه الألباني

٨ مضاعفة الحسنات أكثر من ٧٠٠ ضعف :

« قال رسول ﷺ : (كل عمل ابن آدم يضاعف الحسنة بعشر أمثالها إلى سبعمائة ضعف قال الله تعالى إلا الصوم فإنه لي وأنا أجزي به) متفق عليه

٩ الفوز بثواب الصابرين :

« قال رسول ﷺ : (شهر الصبر رمضان) صححه الألباني

وقد قال الله تعالى عن ثواب الصابرين :

(إِنَّمَا يُؤْتِيُ الصَّابِرُونَ أَجْرَهُمْ بِغَيْرِ حِسَابٍ) الزمر:١٠



➡ إنت متخيل الفضائل اللي فاتت دي كلها ..

حد صمئن يعرف الفضائل دي كلها ويضيعها ؟؟

« ده كل ده شئ بسيط ..

ده إنت عارف أصلاً إيه هو ثواب الصيام لوحده؟؟

١ الصوم عمل ليس له مثل :

« قال رسول ﷺ : (عليك بالصوم فإنه لا مثل له) صححه الألباني

٢ ثواب الصوم لا يعلمه إلا الله :

« قال رسول ﷺ : (كل عمل ابن آدم له ، إلا الصيام ، هو لي ، وأنا أجزي به) متفق عليه

٣ الصوم يشفع لك يوم القيامة :

« قال رسول ﷺ : (الصيام والقرآن يشفعان للعبد يوم القيامة ؛ يقول الصيام أي رب منعتني الطعام والشهوة فشفعني فيه ، ويقول القرآن منعتني النوم بالليل فشفعني فيه ، قال فيشفعان) صححه الألباني

٤ الصيام يبعدك عن النار :

« قال رسول ﷺ : (من صام يوماً في سبيل الله بعد الله وجهه عن النار سبعين خريفاً) متفق عليه



« وفي رواية ثانية ، قال رسول ﷺ :

(رغم أنف رجل ذكرت عنده فلم يصل علي ،
**ورغم أنف رجل دخل عليه رمضان ثم انسلخ قبل أن
يغفر له** ، ورغم أنف رجل أدرك عنده أبواه الكبر أو

أحدهما فلم يدخله الجنة) صححه الألباني

« إنت عارف يعني إيه الكلام ده ؟؟

« رغم أنف .. يعني أنفك تتحط في التراب ؟؟ ليه ؟؟
لو دخل عليك رمضان وربنا لم يغفر لك !..

أصل ده موسم الرحمة .. أو كازيون العتق والمغفرة ..
إنت عارف في الحديث الأول مين اللي بيدعي .. ؟؟

ده سيدنا جبريل هو اللي بيدعي عليك والنبى ﷺ بيأمن
على دعاءه .. والدعاء بابه ؟؟ بالبعد ودخول النار ،
بالخسران على اللي هيجي عليه رمضان ومش
هيتغفر ليه ؟؟ عارف لبيبه ؟؟

لأن رمضان أعظم فرصة في حياتك ..

لو ضيعتها يبقى تستاهل فعلاً تبقى من الخاسرين !!

« يا ترى تفكيرك إنغير عن رمضان ولا لسه ؟؟

يا ترى هنكون من الفائزين ولا من الخاسرين ؟؟



شوفت ثواب الصيام لوحده قد إيه ؟؟؟؟

« لازم بإذن الله ناخذ النوياء دي كلها ونجدد نيتنا كل
شوية وإحنا صايمين ، علشان نضاعف الثواب
والأجر عند الله عز وجل ..

« إنت تعرف بقى إن السحور هو كمان ليه ثواب ؟

« قال رسول ﷺ : (السحور كله بركة فلا تدعوه
ولو أن يجرع أحدكم جرعة من ماء ، فإن الله عز
وجل وملائكته يصلون على المتسحرين) حسنه الألباني

« يا أخوانى .. رمضان فرصة العمر والله ..

فرصة لو ضيعتها ، يبقى تستاهل إنك تدخل في الناس
اللي ورد فيهم حديث النبي ﷺ :

(أتاني جبريل ، فقال : يا محمد ! من أدرك أحد
والديه فمات فدخل النار فأبعده الله ، قل : آمين ،
فقلت : آمين ، قال : يا محمد ، من أدرك شهر
رمضان فمات فلم يغفر له فأدخل النار فأبعده الله ،

قل : آمين ، فقلت : آمين ، قال : ومن ذكرت عنده
فلم يصل عليك فمات فدخل النار فأبعده الله ،

قل : آمين ، فقلت : آمين) صححه الألباني



« خذ عندك كمان ..

« إنت تعرف إن اللي هيدرك شهر رمضان ، ممكن

يدرك منزلة أعلى من منزلة الشهيد في الجنة ؟؟

☑ أبوه .. الكلام ده بجد .. تعالى بس الأول نشوف
حديث واحد في منزلة الشهيد ..

« قال رسول ﷺ : (للشهيد عند الله سبع خصال :
يغفر له في أول دفعة من دمه ، ويرى مقعده من
الجنة ، ويحلى حلة الإيمان ، ويزوج اثنين وسبعين
زوجة من الحور العين ، ويجار من عذاب القبر ،
ويأمن من الفرع الأكبر ، ويوضع على رأسه تاج
الوقار ؛ الياقوتة منه خير من الدنيا وما فيها ،

ويشفع في سبعين إنساناً من أهل بيته) صححه الألباني

« يا نهار أبيض .. !! ده إيه ده كله ؟؟ !!

دي منزلة فعلاً مستحقهاش غير اللي حارب وقاتل
في سبيل الله واستشهد .. منزلة عظيمة جدااااااااااا !!

« تخيل بقى إنك باجتهادك في شهر رمضان

صحتك توصل لمنزلة أعلى من منزلة الشهيد ؟؟

« عن طلحة بن عبيد الله : (أن رجلين قدما على
رسول الله ﷺ وكان إسلامهما جميعاً ، فكان أحدهما

أشد اجتهاداً من الآخر ، فغزا المجتهد منهما
فاستشهد ، ثم مكث الآخر بعده سنة ثم توفي ، قال

طلحة : فرأيت في المنام بينما أنا عند باب الجنة ؛
إذا أنا بهما ، فخرج خارج من الجنة ، فأذن للذي

توفي الآخر منهما ، ثم خرج فأذن للذي استشهد ، ثم
رجع إلي ، فقال ارجع فإني لم يأن لك بعد ، فأصبح

طلحة يحدث به الناس فعجبوا لذلك ، فبلغ ذلك رسول
الله ﷺ وحذثوه الحديث ، فقال ﷺ : من أي ذلك

تعجبون؟؟ فقالوا يا رسول الله: هذا كان أشد الرجلين
اجتهاداً ثم استشهد ودخل هذا الآخر الجنة قبله!!

فقال رسول الله ﷺ : أليس قد مكث هذا بعده سنة؟؟
قالوا بلى ، قال: وأدرك رمضان فصام وصلى كذا وكذا

من سجدة في السنة؟؟ قالوا بلى ، قال رسول الله ﷺ :
فما بينهما أبعد مما بين السماء والأرض) صححه الألباني

« سبحان الله .. الفرق ما بينهم في الجنة أبعد مما بين
السماء والأرض .. مع إن الرجل الثاني لا حارب ولا

استشهد؛ ولكن النبي قال إنه أدرك رمضان واجتهد فيه



« الناس دي عرفت يعني إيه رمضان ؛ فكان لازم تبقى دي أحولهم قبل ويعد رمضان ..

يا نرى مين فينا اللي هيبقى زيهم ..؟؟

مين فينا اللي هيقدر الموسم العظيم ده ويعطيه حقه .. مين فينا اللي الشيطان مش هيضحك عليه ويخليه يقعد يسوف لغاية ما الشهر يعدي وهو لسه غافل ..

« أنا عايزك تفتكر كويس :

« أنت لو ربنا أحياك لحد رمضان يبقى إنت أخذت فرصة متخيلهاش ...!! هتقول ليه؟؟

« هقولك : كام واحد من أصحابك أو من قرابيك مات قبل رمضان ..؟؟؟ كام صفحة كل يوم في الجرايد نعي لناس ماتت قبل رمضان ..؟؟؟

- فلو ربنا بلغك رمضان ، لازم تحس بقيمة النعمة دي .. وتشكرها حق شكرها بإنك تستغلها أحسن

إستغلال وتكون من الفائزين برحمت ربنا والعنق من النار في الشهر المبارك ده .. " (١)

(١)- ما بين القوسين "" مقتبس بتصرف من محاضرة فرسان رمضان للدكتور حازم شومان ..



« يا حبيب قلبي .. هو شهر واحد ..

يا أختي هو شهر واحد ..

شهر واحد هنصبر فيه وربنا بفضلته وكرمه هيفتح

علينا ويعطينا عطاءات وثواب لا نتخيله ..

« لو قولتلك يا أخي : شهر واحد هتشتغل فيه وتأخذ أكبر مبلغ هتأخذه في حياتك، هتصبر الشهر ده ولا لأ؟ لو سألتك يا أختي : شهر واحد تذاكري فيه وتحصلي على أعلى شهادة علمية في الكون هتجتهدى ولا لأ؟؟ « أهو أنا بقولكم شهر واحد نصبر فيه ونأخذ كل الثواب والرحمة والمغفرة دي ..

« هنصبر ولا لا يا شباب بعد ما عرفنا خطورة

وأهمية شهر رمضان ..؟؟؟

« لما تعرف إن الصحابة والسلف الصالح كانوا بيدعوا ربنا قبل رمضان ب ٦ شهور إنه يبلغهم رمضان .. وبعد شهر رمضان ما يعدي .. بفضلوا يدعوا ربنا بقية السنة إنه يتقبل منهم أعمالهم في رمضان.. يعني رمضان كان محور حياتهم طول السنة



نستعد إزاناااي؟؟

« كل سنة يبدأ رمضان .. و تقول هختم القرآن ١٠ مرات ، و في النهاية تنتهي بختمه واحدة أو

ممكن متكلمش ختمه حتى !!

« وتقول هصلي التراويح كاملة بجزء و جزئين

و احتمال أكمل الصلاة مع نفسي في البيت و برضه

تكسل وممكن متكلمش ركعتين في التراويح !!

« تقول لا يمكن عيني تلمح فيلم ولا مسلسل و برضه

تضعف وتقع في المعاصي !!!

« تقول أنا هكون أحسن واحد وهصلي كل الفروض

صف أول جماعة أولى في المسجد و بعدها تفرط في

المطالب دي .. !!

« تقول رمضان ده هيبكون بداية التزامي ، ولكن

للأسف أول ما رمضان يخلص تنسى كل ده ..!!

« وتندم بعد رمضان لما تلاقي فلان و فلان ختموا

كام ختمة وصلوا التراويح بجزئين وتصدقوا وعملوا

كل الخيرات ، وإنت كنت موجود معاهم بس سبقوك!

مع إن مفيش فرق كبير بينك وبينهم ...!!!



☑ لازم تجتهد وتجبب أقصى جهد عندك ..

عارف ليه؟؟

« لأنك متعرفش .. هل هتعيش لرمضان اللي جاي

ولا لأ؟؟؟ إنت مش ضامن عمرك للسنة الجاية !!

ممكن يكون ده آخر رمضان في حياتك ..!!

« خلي الكلام ده في بالك على طول.. علشان متسوّفش

ويكون حافز ومُنشط ليك على الطاعة في رمضان ..

وخلي شعارك السنة دي :

لئن أدركت رمضان .. ليرين الله ما أصنع



◀ إيه أكثر حاجة حلوة كان نفسك تعملها زمان بس لسه معملتهاش لغاية دلوقتي؟!
◀ إيه رأيك من رمضان السنة دي نبتدي صفحة جديدة في حياتنا؟!
◀ نفسنا نغير حاجات كتير .. نعمل حاجات كتير .. مش كده؟!
✓ طيب ما تيجي نخلى شعارنا من دلوقتي :

رمضان السنة دي .. هيغير حياتي !!

◀ عابزين نتغير بجد بقى .. عابزين نبتدي بداية جديدة مع ربنا .. كل واحد فينا يفكر إيه اللي نفسه يعمله ، وإيه اللي لازم يغيره في حياته .. ويحط في دماغه إنه هيخرج من رمضان إنسان جديد ..
◀ من الآخر .. رمضان السنة دي هيكون رمضان مختلف تماماً .. ومفيش حد أحسن مني ، ومفيش حد هيسبقني .. رمضان السنة دي هيكون بداية إلتزامي بإذن الله .. رمضان السنة دي مش هيعدني إلا وبإذن الله هيكون إتغير لي كل ذنوبي ..
البلد إتغيرت وأنا كمان لازم أتغير ..
رمضان السنة دي هيكون غير أي رمضان فات ..

◀ كام مرة عدى عليك رمضان وقولت :
" لن أدركت رمضان المُقبِل لِوَرِيئِ اللَّهِ مَا أَفْعَلْ "
ويعدّي رمضان ومتمعلمش أي حاجة !!
👉 **ليه بيحصل كده؟؟؟**

🔥 علشان إحنا مستعديناش صح .. علشان إحنا مش متعودين على حاجات كتير من العبادات دي ، ماينفعش نيحي مرة واحدة في رمضان ونقول إحنا عابزين نعمل كل حاجة ، ولما نلاقي نفسنا ماعملناش ، غصب عننا يجلنا إحباط ونقول هو إحنا كده !! ومفيش فينا أمل ومش نافعين !!!

◀ **لو سألتك : عندك كام سنة دلوقتي؟؟**

طيب .. عدى علينا كام رمضان وضيعناه؟؟

◀ **فكرت في الأسئلة دي قبل كده؟!**

طيب، تخيل معايا إنك لسه بتتولد من جديد دلوقتي حالاً
◀ إيه العيوب اللي نفسك تصلحها في نفسك?!
◀ إيه أكثر ذنب بتعمله وقرفاااااااااااا منهُ جداً
ونفسك ترتاح منه?!

والإستعداد الحقيقي يا إخواني بيكون من شهر رجب أو من قبله كمان ..

🔥 قال أحد السلف الصالح ويسمى أبو بكر الوراق :
" شهر رجب شهر للزرع ، وشعبان شهر السقي للزرع ، ورمضان شهر حصاد الزرع "
◀ وأول بذرة هنبذرها من بذور شهر رجب علشان تكون هي أول عُدتنا الإيمانية لشهر رمضان ، هي التقربُ إلى الله تعالى بوظيفة العمر ..ألا وهي التوبة..

① الثوبة :

◀ مش إنت على طول تايه ومش لاقى نفسك وحياتك ملخبطة ..؟؟
◀ مش بتعمل كل شئ علشان توصل للسعادة وبرده مخلوق ومش سعيد ..؟؟
◀ كل ده بسبب الذنوب يا حبيب قلبي ..
◀ **مز هفتش من ذنوبك؟؟ مش ناوي تتوب بقى؟؟**
ياللا نجدد التوبة قبل رمضان من دلوقتي ..
وكل واحد يقول لنفسه : كفااa

◀ أيوه .. مفيش شهوة هتقيدني ولا ذنب هيبعدني عنك يارب .. ورمضان السنة دي ببساطة هيكون هو بداية التغيير الحقيقي في حياتي ..



🔥 **وعلشان كل ده يتحقق .. لازم نتسعد صح لرمضان من دلوقتي .. أيوه من دلوقتي .. حالاً ..**
أياً كان الوقت اللي الكتيب ده وصلك فيه .. إبدأ إستعد وحتى لو وصلك وإنت في رمضان ؛ إوعى تيّأس .. وإستعن بالله وجدد نيتك واجتهد في الطاعة ..

▶ **طيب إحنا بنقول الكلام ده ليه من دلوقتي؟!**

◀ **علشان لازم تكون النية دي في قلوبنا من دلوقتي**
وعلشان ربنا يرى في قلوبنا صدق وعزم حقيقي .. ممكن واحد مننا يموت بكرة .. أو بعده .. محدش عارف! فلو ماكنش عنده النية إنه يتغير ويتوب ، هيموت على حالته السيئة اللي عايشها دلوقتي للأسف :)
لكن لو كانت عنده النية من دلوقتي ، ومات قبل رمضان ؛ فيإذن الله ربنا هيكتب له الأجر ..



♥ قال تعالى : (وَمَنْ يَعْمَلْ سُوءًا أَوْ يَظْلِمْ نَفْسَهُ ثُمَّ يَسْتَغْفِرِ اللَّهَ يَجِدِ اللَّهَ غَفُورًا رَحِيمًا) النساء: ١١٠

♥ وقال تعالى في الحديث القدسي :

(يا ابن آدم إنك ما دعوتني ورجوتني غفرت لك على ما كان منك ولا أبالي)

حسنة الألباني

✓ ياللا نقوم دلوقتي نتوضأ ونصلي ركعتين لله عز وجل بنية التوبة النصوح من كل المعاصي بكل أشكالها ، وفي السجود نبكي ونتذلل لله إنه يساعدنا في التوبة ، ويعيننا عليها ، ويثبتنا مهما واجهنا من فتن وإبتلاءات ..

2 الدعاء :

► سلاح رهيب في أيدينا كلنا ؛ ولكن للأسف نبغفل عنه !! أقسم بربي لو عرفنا قدر الدعاء لتغيرت حياتنا ولتغير حال الأمة كلها للأفضل بإذن الله ومشيتته ..
► إنت كده كده فقير ضعيف ذليل إلى الله وعلى طول محتاج أشياء كثير ومهما أخذت بالأسباب فلا بد إنك تطلب العون من رب الأسباب عن طريق الدعاء ..



✓ توبة من كل حاجة عملناها مترضيش ربنا ..

✓ توبة من كل معصية ارتكبتها في سر أو علن ..

✓ توبة من الغفلة والتقصير وطول الأمل ..

✓ توبة شاملة وإن شاء الله تكون نصوح ..

✓ توبة نبدأ بيها صفحة جديدة مع ربنا ..

ويقيننا يارب إنك هتقبلنا ، ومش بس كدا ؛ بل هتفرح بنوبتنا كمان .. أيوه ده يقيننا ؛ لأنه أخبرنا بيه النبي ﷺ

◀ قال ﷺ : (لله أفرح بتوبة عبده) متفق عليه

♥ ياللا نرجع ونتوب لربنا حبيبتنا اللي بيناديننا :

(قُلْ يَبْعَادِي الَّذِينَ أَسْرَفُوا عَلَىٰ أَنْفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ الذُّنُوبَ

جَمِيعًا إِنَّهُ هُوَ الْغَفُورُ الرَّحِيمُ)

الزمر: ٥٣

♥ مهما كانت ذنوبك ومعاصيك ، إوعى تياأس أبداً..

باب التوبة مفتوح .. وربك هيقبلك لو رجعتله ومعاك

ذنوب قد الكون كله .. بس إنت إرجع ..

بس إنت إرجع بقلبك وقول : راجعك يارب ..

بس إنت توب وأقلع عن الذنب وإن دم عليه ..



◀ يعني هنبدأ نثبت ورد قرآن للي ملهوش ورد ..

واللي له ورد ثابت بيدأ يزود فيه شوية بشوية ..

◀◀ وعندنا القيام نبدأ برضه نتعود على الوقوف بين

يدي الله والناس نيام ، ونتعلم بقى الدعاء والمناجاة

علشان نتذوق طعم القرب من الله في قيام الليل ..

◀◀ والصيام هنزود فيه قد ما نقدر ؛ بحيث ندخل

رمضان وإحنا متعددين على الصيام في الحر ..

وعندنا ملاحظتين لازم نركز فيهم :

أول حاجة : العبادة بتمر مع الإنسان بـ ٣ مراحل :

المجاهدة ثم الإعتياد ثم التلذذ

لو هنتكلم عن قيام الليل كمثال ..

⊖ في الأول هجاهد نفسي عشان أقوم أصلي بالليل

وياااه بقى لو قمت في الثلث الأخير ..

دي أول حاجة ، وهي مرحلة شالالالاللة وهجاهد فيها

نفسى علشان أعمل الطاعة وهتعب فيها ..

بس بعد فترة ، هنتيجي مرحلة الإعتياد .. يعني تبقى

عادة خلاص .. أنا اتعودت لازم كل يوم أقوم أصلي

ركعتين قيام .. مينفعلش يومي يعدي من غيرهم ..



► إنت تعرف إن اللي مش بيدعي ربنا بيحصله إيه؟

◀ ربنا بيغضب عليه !!!! قال رسول ﷺ :

(من لم يسأل الله يَغْضَبْ عليه) صححه الألباني

ومن أهم الأدعية اللي لازم تدعوا بيها في الفترة دي :

◀◀ اللهم يا حي يا قيوم برحمتك أستغيث أصلح لي

شأني كله ولا تكنني إلى نفسي طرفة عين ..

◀◀ اللهم يا مقلب القلوب ثبت قلوبى على دينك ..

◀◀ اللهم بلغنا رمضان ، اللهم سلمنا إلى رمضان ،

وسلم لنا رمضان ، وتسلمه منا متقبلا ..



◀ ثم لو سألنا أنفسنا بعد كده :

إيه أكر حاجة عايزين نجهد فيها في رمضان ؟؟

هتكون الإجابة : **صيام و قرآن و قيام ..**

دول أبرز العبادات ، وداخل في القيام الدعاء ، وعندنا

كمان الصدقات وأعمال البر ؛ بس دول زي ما قولت

أبرز العبادات .. وعلشان كده هنركز عليهم ..



﴿ **الفترة دي بإذن الله** عايزين نبدأ بالراحة، ونتدرج في الطاعات ؛ بحيث ندخل رمضان وإحنا في مستوى إيماني يأهلنا برحمة ربنا إننا نكون من المعتوقين ..
 ﴿ **ربنا شكور.. والله شكور..** مش معقول هيلايك بتستعد وصادق وهيكرمك !! إما اتعودناش على كده! إحنا إتعودنا على كرم ربنا ورحمته وحسن ظننا فيه إنه هيباغنا ومش هيجرنا بفضلله وكرمه سبحانه ..
 ﴿ **وإن قدر سبحانه وتعالى** إنقضاء أجل أي حد فينا قبل رمضان ؛ يبقى نموت على طاعة ونية سالحة ..
لازم نعود أنفسنا من دلوقتي يا شباب ..

﴿ **لكن لازم تخلي بالك من حاجة مهمة جدا!!!!!!** :

﴿ **إوعى تسمح للإحباط أو اليأس إنه**

﴿ **يتسلل لقلبك لو مقدرتش تعمل أي طاعة !!**

إنت ممكن تحاول من الليلة إنك تقوم وتصلي ركعتين ولو ركعتين للتوبة زي ما قولنا في أول نقطة، ثم تختم بالوتر .. لو عملت كده يبقى جزاك الله كل خير ..
 .. ولكن لو ما عملتش ؟؟؟؟؟؟



﴿ **لازم تلحق تطهر التقرير بتاعك قبل ما يُرفع لله عز وجل .. لازم تطهر صحيفتك من ذنوب ومعاصي الله وحده أعلم بيها ..**
 ﴿ **وتخيل بقي لو توبت ، وتقدير مشرف اترفع عنك للمولى ﷺ .. تخيل ربنا ممكن يفتح عليك قد إبييه ؟؟!**
 وممكن يرزقك ويباركلك قد إيه! فرصة عظيمة والله ..
 ﴿ **وكان شهر شعبان فيه ليلة النصف من شعبان؛**
 ﴿ **إنت عارف فضلها إيه ؟؟؟؟؟؟**

قال ﷺ : (**إن الله ليطلع في ليلة النصف من شعبان ، فيغفر لجميع خلقه إلا لمشرك أو مشاحن**) صححه الألباني
 ﴿ **مش إنت عايز ربنا يغفرلك ؟؟ أكيد طبعاً ..**
 طيب يلا طهر قلبك من أي حقد .. ربنا بيغفر لجميع الخلق إلا للمشرك والمشاحن .. المشاحن يعني اللي متخاصم مع أي حد .. وعلشان كده هنصحك وهقولك :
 ﴿ **لو متخاصم مع أي حد سامحه لوجه الله ..**
 روحله واعتذرله .. واعفو عنه علشان ربنا يعفو عنك، ومتضيعش المغفرة من أيديك علشان حاجة زي دي ..
 سامح الناس ، وخلي قلبك أبيض بقي)



﴿ **هتصوم؟ ولا زي كل سنة ؟!**

﴿ **لو سألتك : إنت هتصوم ؟؟ ولا زي كل سنة ؟!**
 ﴿ **هتبتسم وتقول :** قديمة) .. هصوم زي كل سنة ..
 ﴿ **هقولك :** لا يا حبيب قلبي .. ولا يا أختي ..
 إحنا مش عايزين نصوم زي كل سنة .. !!
 ﴿ **هتقولي :** إزاي يعني الكلام ده ؟؟؟
 ﴿ **هقولك :** بص يا حبيب قلبي .. في ناس كتير مش عارفة معنى الصيام ..!! يمكن ناس كتير عايشة بقالها ٣٠ و ٤٠ و ٥٠ سنة ، ناس بقالها سنينيين بنصوم ؛ بس للأسف مايتعرفش تصوم !!!
 بيصوموا صيام ناقص ، إلا من رحم الله ..
 ﴿ **هتقول :** هو فيه صيام ناقص وصيام كامل ؟؟؟
 ﴿ **هقولك :** هو إنت هتصوم إزاي ؟؟؟
 ﴿ **هتقول :** هصوم عن الأكل والشرب لحد المغرب ..
 ﴿ **هقولك :** بس كده ؟؟
 ﴿ **هتقول :** إيه؟! هو فيه فتوى جديدة طلعت غير كده؟
 ﴿ **هقولك :** لا .. مفيش فتوى ولا حاجة ؛ بس إنت كده صيامك ناقص .. يعني إيه ناقص بقي ؟؟



﴿ **لو ما عملتش؛ إوعى تقول أنا مش وش نعمة أو ربنا لا يريد لي الخير أو إنه مفيش فايدة مني والكلام ده !!**
 ﴿ **لا .. أبداً .. ده كله كلام شياطين ..**

﴿ **زي ما قولنا ؛ في الأول هيبقى صعب جداً عليك ركعتين ؛ لكن مع الوقت هتلاقي النواقل كلها بقت أسهل ما يكون بإذن الله بإذن الله .. إوعى تياس !!**
 ﴿ **ولو مقدرتش ؛ إدعي ربنا ، وحاول تاني وتالت وعاشر! وحط في دماغك إنه طبيعي جدا!!!! إنك تلاقي صعوبة في الأول ، لكن مع الوقت هتلاقي الأمر سهل ويسير .. شوية صبر بس في الأول ..**
 ﴿ **ولازم تخلي في بالك كمان حاجة مهمة :**

﴿ **أحب الأعمال إلى الله أدومها ؛ وإن قل**﴾

ربنا يثبت قلوبنا على الإيمان والتقوى .. اللهم آمين ..





طيب.. هو أنت مش لاقى ليله هدف فى رمضان؟؟؟

« يعنى العتق من النار لا يساوى ٣٠٠٠ جنيه أو مسابقة أو أي هدف دنويى تاني ؟؟؟!!!!!!

« وهنا .. ممكن حد يقول : بس أنا بتابع مسلسلات كويسة وليها هدف !! يعنى مفياش حاجة ومش يحصل حاجة لو شوية طاعات وشوية مسلسلات؟؟

« طيب أنا مش هرد .. هسيبك إنت ترد على نفسك -المسلسلات المحترمة الهادفة اللي إنت بتتكلم عنها؛

« مش فيها نساء بدون حجاب ورويتهم حرام ؟

« مش فيها موسيقى وأغاني ؟

« مش فيها قصص حب حرام وصحوية؟؟

« مش فيها إنك بتضيع فرصة رمضان بكل ما فيها وإنت ماكنتش هتعمل كده مع أي حاجة دنوية؟؟

- وخذ السؤال ده وجاوب إنت بنفسك :

« إحنا عارفين إن أي حاجة بنعملها ؛ إما فى ميزان حسنااتنا أو ميزان سينااتنا ؟ المسلسلات هتبقى فين؟؟

« أكيد مش ممكن تبقى مع القرآن والصلاة والصيام والدعاء والصدقة ... عرفت هتبقى فين ؟؟؟؟

ليه نعمل كده؟؟؟ وإيه الفايده؟؟؟؟؟



« لو عندك إمتحان ثانوية عامة وفاضل على الإمتحان شهر واحد ، ياترى هتفرج فى الشهر ده على مسلسلات ؟؟؟؟؟؟

« لو دخلت مسابقة من سيربح المليونووووووون! وقدامك شهر واحد بس ، وطبعاً حضرتك عمال تذاكر كلمتين عشان طمعان فى المليون ، ممكن تسيب ده وتفرج على مسلسلات ؟؟؟؟؟؟

« لو اتقدمك عرض من شركة معينة إنك تفرغ نفسك لمدة شهر بعد شغلك ، مقابل مبلغ ١٠ الاف جنيه أو حتى ٥ أو ٣ ؛ ساعتها ممكن تضيع العرض وتفرج على مسلسلات ؟؟؟؟؟؟

« لو هتناقش رسالة الدكتوراة ، أو ... ، أو

« خلاصة الكلام .. ساعتها طبعاً هتقول أخلص المهمة اللي فى إيدي وأعدّي الشهر الأول .. والمسلسلات أهي بتتعاد طول السنة ! مش كده؟؟

« ويبقى إحنا كده اتفقنا على أول نقطة :

« لو فيه حاجة مهمة ، وهدف عايز تحققه فى شهر مش هتهتم بالمسلسلات ، ولو كنت مدمن مسلسلات برضه هتسيبها وتشفوها فى الإعادة بعد الشهر، تمام؟



من هنا البداية ..

« عايزين نصور رمضان جديد بلا معاصي يا شباب « عندنا قاعدة فقهية بتقول :

إذا عظم الداعي وإمتنع الفعل ؛ عظم الأجر !!

وإذا ضَعَف الداعي وتم الفعل ؛ عظم الوزر !!

« يعنى إيه الكلام ده بقى ؟؟؟؟

« يعني لو واحد الظروف اللي حوالية كلها بتهيء له المعصية ومع كده معلمهاش يبقى أجره كبير .. زي قصة سيدنا يوسف وإمرأة العزيز اللي كلنا عارفينها.. أما لو واحد الظروف اللي حوالية بتهيء له الطاعة ، يعنى مفياش داعي إنه يعمل معصية ؛ ومع ذلك عملها يبقى الوزر كبير ..

« يعني .. فى رمضان الشياطين متسلصلة ، وأبواب النار مقفولة ، وأبواب الجنة مفتوحة ، والناس بتتسابق فى الخير والطاعات .. واحد بيختم قرآن وواحد بيقم ليل وواحد بيتصدق و.....و.....

لو إنت عصيت ؛ هيقى الوزر كيبيبيبيبيبيبيبيبير ؛

لأن الجو كله جو طاعة !!



« بالله عليك أنوي بصدق دلوقتي إنك مش هتفرج على أي مسلسلات السنة دي .. خسارة تضيع وقتك فى معصية والناس بتطيع ربنا !

إوعى تكون بعيد فى وقت الناس كلها بتحاول تقرب!

« ولو إنت حريص على المعاصي أوي وخايف جداً لسينااتك تقل .. أحب أطمّنك ..متخفش يا سيدي .. كل المسلسلات بتتعاد بعد رمضان .. مش هيفوتك الوزر!

بس بالله عليك بلاش فى رمضان ..!!

« الناس كلها بتتمنى تموت على طاعة ..

الناس كلها بتتمنى تموت فى شهر رمضان ..

ياترى إنت لو مت فى رمضان تحب تموت قدام مسلسل !!

« أنا عابزك تخاف على حسنااتك .. إنت طول

النهار صايم وعمال تقرأ قرآن وتذكر الله وتتصدق ..

بلاش تضيع كل ده قدام التليفزيون !!

تاخذ شوية حسناات وترجع تضيعهم تاني؟؟؟

سبحان الله ليه كده؟؟؟؟

إنت مستخسر الحسنات اللي أخذتها؟؟!!



« كل يوم بتقرأ (قُلْ أَعُوذُ بِرَبِّ أَلْفَلَقِ) ،
 ماحبيتش في مرة تعرف يعني إيه [الفلق] ؟؟
 (وَمِنْ سَرَّ غَاسِقٍ إِذَا وَقَبَ) ،
 يعني إيه [غاسق] ؟؟ ويعني إيه [وقب] ؟؟

→ لحد امنى هنفضل مش عارف معنى كلام ربنا ؟
 → لحد امنى هنفضل جاهل باهم شئ صمكنا بقلب
 حيانك وبغيرها ١٨٠ درجة .. ؟؟
 ► لازم توثق علاقتك بالقرآن .. لازم تفهم معانيه ..
 لازم تتدبر الآيات .. لازم القرآن يدخل قلبك ..
 ❑ والله العظيم لو آية واحدة من كتاب ربنا
 دخلت قلبك بيقين ، حيانك هننغير بالكامل ..

« من دلوقتي لازم تشتري كتاب تفسير .. هات كتاب
 التفسير للشيوخ عبد الرحمن السعدي .. كتاب بسيط
 وأسلوبه سهل جداً وسعره مش غالي .. وإبدأ إقرأ فيه
 من دلوقتي ؛ علشان تدخل رمضان وإنه فاهم قرآن ..



« وأيضاً من الحاجات اللي هتعينك وتساعذك على
 صلاة التراويح والقيام والتغيير في رمضان ..
 بل هتساعدك في تغيير حياتك كلها .. هي :

❑ تدبر وفهم القرآن ..

لازم رمضان السنة دي نعيش فيه القرآن يا إخواني ..
 ► لازم نحس بالقرآن .. لازم القرآن يغيرنا ..
 ► لازم يا حبيب قلبي تربط قلبك بالقرآن ..
 ► لازم يا أختي تعلقي قلبك بالقرآن ..
 ◀ لازم نفهم القرآن في رمضان السنة دي يا شباب ..
فرق شاللسع .. فرق كبيير .. فرق لا يوصف ..
 بين اللي بيقرأ القرآن أو يبسمعه وهو فاهم ..
 وبين واحد تاني مش فاهم أي حاجة !!

«**عدم فهم القرآن** من أخطر الأسباب اللي بتخليك
 مش خاشع في الصلاة ، وبتخليك تتعب بسرعة وتملأ
 وتزهق من صلاة التراويح لو الإمام طول شوية !!
 « يا أخي ده إنت كل يوم بتقرأ (اللَّهُ الصَّمَدُ) ،
 مسألنش نفسك في مرة يعني إيه [الصمد] ؟؟؟



«**ومتخفش ..** مش هتضعب برده الثواب في إنك
 ماختمتش كثير .. بل هتاخذ ثواب أكبر بإذن الله ..
 هتاخذ ثواب القراءة ، والتكرار ، والتدبر ، وصلاح
 القلب ، والمجاهدة في العبادة .. سبحان الله !!
 «**وفي صلاة القيام ..** ممكن تمسك سورة صغيرة
 وتقرأ بيها طول الليل .. أي سورة بتأثر فيك .. سورة
 الطور .. ق ، الحاقة ، القيامة ، النازعات ، الزلزلة ..
 « و خليك فآكر كويس ..

❑ **لو آية واحدة دخل معناها في قلبك وشرب الإيمان
 اللي فيها ؛ هتكفيك بإذن الله ..**
هتحمي قلبك بعد كده من كل الفتن والشهوات بإذن الله

◀ وبالنسبة للناس اللي هتسال إزاي نقضي اليوم في
 رمضان ؟ ◀ أنا مش عايز أفرض عليك جدول معين ،
أنا بس عايز أنيه على شوية نقط مهمة جداً :
❶ الفترة قبل أذان المغرب .. قبل الفطار .. من أفضل
 الأوقات اللي الدعاء فيها مستجاب ولا تازم تغتتمها ..
 إرفع إيدك واطلب ما تشاء من خير الدنيا والآخرة ..
 ياريت متسنائش وكل المسلمين من الدعاء (:



❑ **مش عايزين ندخل رمضان في سباق مين هيقراً**
 أكثر، ونخرج وإحنا زي ما إحنا مفيش آية أثرت فينا !
 مفيش آية دخلت قلوبنا ولا غيرت حاجة فينا !!
 ➔ **بقالك كام سنة بتختم المصحف في رمضان أكثر**
 من مرة وتخرج من رمضان وإنه زي ما إنت !!
 ❑ **لازم يا شباب نقرأ بالراحة ونتدبر ونتأمل في**
 الآيات سواء في القراءة العادية أو في قيام الليل ..
 النبي ﷺ والصحابة والسلف كانوا ممكن يقيموا الليل
 كله بأية واحدة !!

إنت متخيل ..؟؟؟ إنتي متخيلة ؟؟ آية واحدة ؟؟؟
 ► **آية واحدة ..** ولكن بيفقدوا يكرروها طول الليل ..
 ► **آية واحدة آه ..** بس تأثيرها على القلب أشد من
 قراءة المصحف كله بدون تدبر !!!
 ◀ **علشان كده لازم يكون ليك وقفة مع كتاب ربنا ..**
عيد وكرر الآيات .. كل آية بنتكلم عن الجنة .. كل آية
 بنتكلم عن النار .. عن رحمة ربنا .. عن عذاب ربنا ..
 عن عظمة ربنا .. كل آية بتزود يقينك .. كررها ..
 وإبكي وعيش القرآن صح بقي ..



قبل الختام ..

« قبل ما نختم .. تعالوا نشوف المشهد ده ..
(حسام قاعد قدام الكمبيوتر ، وجنيه صاحبه طارق)
حسام: سامحنى يارب.. اغفر لي يارب ..
طارق: ما لك يا بني ؟؟ إنت بتعمل إيه بالظبط ؟؟
حسام: أصل أنا بأنسخ كل الصور والأفلام اللي مش ولا بد على الفلاشة دي ..
طارق: دي فلاشة ٨ جيجا .. !! عندك ٨ جيجا أفلام وصور مش مضبوطة !
حسام: يا عم هو ٨ جيجا حاجة ..!! وبعدين أنا بأنسخها في رمضان علشان نفس الواحد ما توزوش إنه يتفرج علي حاجة والواحد صايم ، مش عايز صيامي يضيع علشان فيلم ولا صورة ؟
طارق: طيب ما تمسحها خالص من على الجهاز ؟
حسام: حرام عليك ! ده أنا تعبت جداً على ما جمعتهم
طارق: والصيام اللي إنت خايف عليه ؟؟؟؟؟؟؟
حسام: ما أنا في رمضان مش هتفرج .. ولما يخلص رمضان هارجعهم .. ومتعدهاش بقى يا عم طارق !!



② صلاة المغرب لازم تكون في المسجد .. افطر على تمر وروح صلي وارجع كمل أكلك .. وبلاش تتقل في الأكل علشان تعرف تصلي التراويح بقلب حاضر !!
③ الفترة بين المغرب والعشا لازم تستغلها .. إقرأ فيها قرآن .. إقرأ فيها تفسير الجزء اللي هيتقري بالتراويح إنهارده .. وإوعى تقول هنام وهصحى أصلي العشا :
④ حاول تصلي في مسجد فيه شيخ إنت بتخشع لما تسمع قراءته، وبعد التراويح بلاش تقف مع حد علشان متضيعش الليلة منك .. وحاول تنام بدري علشان القيام
⑤ لازم تتسحر ولو على ميه، متضيعش ثواب السحور
⑥ حافظ على جلسة الضحى والجلوس في المسجد بعد الفجر علشان تاخذ ثواب الحج والعمرة ..
⑦ وإنت رايح شغلك جدد النية علشان تاخذ الثواب ..
⑧ أكثر من الصدقات، وإحرص على تفتير الصائمين.
⑨ الإعتكاف عناية مركزة لازم قلبك يدخلها ، لازم تعتكف ؛ وخاصة إنه بفضل الله مبقاش فيه موانع أمنية زي زمان .. لا لازم تعتكف ولو هتاخذ أجازة !
⑩ إحرص على تحري ليلة القدر والإجتهد في العشر الأواخر كلهم؛ علشان تكون من الفائزين في ليلة العمر



« إنت عمال تقول إنك مش قادر تبطل معاصي وإن معندكش إرادة .. وده كله والله وهم x وهم !!

إنت قدرت تصوم عن الحلال ٣٠ يوم متواصلين!

☑ هتقدر بإذن الله تبعد عن كل حرام .. هتقدر تتغير في رمضان وتثبت بعد رمضان بإذن الله ..
☑ هتقدر ي يا أختي تقاومي نفسك وشيطانك ، وتغيري البدي والبنطلون وكل اللبس اللي يغضب ربنا ..
☑ هتقدر يا أخي تغض بصرك وتصون قلبك ..

« هتقدر يا شباب ..

« بإرادتنا هتقدر نغير كل حاجة غلط في حياتنا .. بس محتاجين نعقد النية .. ونستعين بالله .. محتاجين نخلي دايماً عندنا هدف .. ومفيش هدف أسمي وأنبل وأجمل وأعظم من رضا ربنا .. ربنا اللي يريد لنا إننا نعيش أحلى وأسعد حياة ..

أحلى حياة في طاعة الله



« مش عايزين المشهد ده يبقى حال حد فينا يا شباب
☑ إنت هتتغير في رمضان ، وإياذن الله هتثبت بعده عارف ليه ؟؟ لأنك بإذن الله في نهار رمضان هتبتل تسمع أغاني وتبتل تتفرج على الأفلام والمسلسلات وتبتل تخرج مع البنات، علشان خايف على صيامك! وفي ليل رمضان هتبتل تقعد على القهوي وتسهر في الخيم الرمضانية وتبتل تشيت مع البنات على الفيس ، علشان خايف على رمضان !

لازم بعد رمضان هتتغير، لازم رمضان ياتر فيك

♥ إنت كنت وإنت صايم بتراقب ربنا في أصغر شئ لو شوية ميه دخلوا في فمك وإنت بتتمضمض بتقعد تبصق علشان تطلعهم .. مع إنك ممكن تبلعهم و محدش شايفك .. بس إنت بتراقب ربنا ..
☑ يبقى لازم يستمر المعنى ده في قلبك بعد رمضان إنت في رمضان كنت بتصلي وتقرأ قرآن وتشارك في الخير .. ورب رمضان هو رب بقية السنة ..

لازم تستمر على الصلاة والقرآن والخير طول عمرك

لازم تستعد وتجهز لليوم اللي هتقابل فيه ربك!